

ein guter burge hat Ditherich Dithmar gelobt dem egnanten Hennel, als vor geschr(ieben) stet. Actum die Erasmus anno quo supra.

a) folgt durchgestrichen teil

99.

1383 Juni 20

Hans Gölz vermacht seinen Acker.

fol. 16r Wisset vor uns chomen ist in unser vollin rat Hans Gôlcz, ein schûlen, und hat mit guten willin Nickeln Franken sinen acker uff gelazin, gelegen in den lehen by spitals acker. Den selbin acker hab wir gelien dem egnanten Franken zcu eime rechtem erbe mit alle den rechten, als in der obgnante Hans Golcz uffgelazin hat. Actum anno quo supra sabbato post Viti.

100.

1383 August 20

Hennel Pilgrem verpfündet einen Acker.

fol. 16r Wisset daz vor uns chomen ist in unsern vollin rat Hennel Pilgrem und ^(a)sin eliche wirtin und^(a) hat bechant, daz er schuldic sy und ynne habe 9 ½ schoc misner gr Nickels Schiferdeckers, Mertin Schiferdeckers sons, da vor hat er ym mit guten willin zu phande gesaczt sinen garten, gelegen vor dem hoen tor an der vihe weide in der gassen, der vom rate zu lehen get. Von dem selbin gelde den czehenthalben schocken hat er ym gelobet zu geben iczlich jar besunder, di wiel er ym daz gelt nicht wider gegeben und bezalt hat, ein schoc misner gr. Und wenne er dy abelosunge tun wiel und ym die 10 (!) schoc bezalin wiel, so sol er ym den egnanten czins mit dem gelde gebin, nach dem alz sich denne nach der jarczal geburt. Ouch sol Hennel Pilgrem ^(b)und sine wirtin^(b) egnante^(c) gelt ynne habin von dem nesten sente Mertins tage ubir zcwei jar, alzo daz er cheine abelosunge binnen der czit tun schol und der obgnanten Nickel cheinen an ym muten sal, es weren denne ir beider wille. Nach den czwein jaren konne der egnante Nickel Schiferdecker sin gelt wieder^(d) habin wiel, so sol im di der egnanten Hennel ane widerrede^(e) di bezalunge mit gereiten gelde und nicht mit cheinen phande. Ouch wenne er sy tun wiel nach den egnanten czwein jaren, so sol si der megnante Nickel nemen in alle der formen, alz vor geschr(ieben) stet. Actum anno quo supra feria quinta post assumptionis Marie. Den selbin garten habe wir Nickeln Schiferdecker gelien, alz phand recht ist, nach lute der obgeschr(ieben).

a-a) am rechten Rand ergänzt b-b) über die Zeile geschrieben c) folgt durchgestrichen ynne h d) am rechten Rand, Einfügestelle gekennzeichnet e) folgt durchgestrichen tun